

СЕМИСОЛА КУНДЕМЫН РАДИСТ-СВЯЗИСТ ЭРГЫЖЕ

Кугу Отечественный сарыште сенгымашыш шуаш шуко калык шке вийжым пыштен. Элнам аралымаште ятыр енын тазалыкше пытен, ўмыржо кўрылтын, но нунын лўмышт калык шўмыштō курымешлан кодын.

1941-1945 ийлаште шке шочшыжым сарыш кажне сурт ужатен. Морко районысо Семисола ялын шочшыжо, Яйцовмыт еш гыч Александр, военный вургемым чия.

Александр йочаже годсек чулым кушкын, шым класс шинчымашым налмек, ветеринарлан тунемаш пурен.

1940 ийыште тудлан армийыш каяш жап шуэш. Кужу корно тудым Литва мланде марте нангая. 1941 ий 22 июнь кечым самырык салтак Шауляй олаште вашлиеш. Тиде жапыште самырык курсант-влакым связист-радиствлан туныктеныт.

Салтак-влак нелын, йōсын, тушман ваштареш кредалын, Ленинград марте чакненыт. Кок-кум кече дене купышто шуженкылмен, кочде-йўде княшат логалын. Тидын деч вара Александр Ленинградысе фронтын 89 отделений полк, 54-ше армийыште Ленинградский блокадым кўрлшаш верч кредал-

маште, Кёнисбергым налмаште кредалеш. Тыште тудым отделений командирлан шогалтат.

1942 ийыште уло вийым, патырлыкым погалтен, 54-ше армий да Ладожский военный флотилий дене пырля Волховым сенен налыныт.

1943-1944 ийлаште Ленинградский, Новгородский да Псковский областьлам утарымаште кредалеш. Нине кредалмаште Александр Яйцовлан "За отвагу", "За боевые заслуги" медаль-влакым кучыктат.

Вара кумшо Прибалтийский фронт. Тушеч корно самы-



рык Александром Восточный Пруссийыш нангая. Сенгымаш кечым тиде элыште вашлиеш.

Старший сержант Яйцов Александр Петровичым 1946 ий январьыште "За Победу над Германией" медаль дене палемдат. Эше вара-рак "Отечественная война" орден Яйцовын онгыштыжо ешаралтеш. Сар деч вара, 1947 ийыште, самырык салтак А.Яйцов шочмокушмо суртышкыжо пўртылеш. "Ленинсола" озанлыкыште ветеринарлан пашам ышташ тўнгалеш, тиде жапыштак ферме вуйлатыше, парторганизаций секретарьлан шотлалтеш. Изирак колхоз-

шамычым иктыш ушымек, вараже "Большевик" колхоз лўмым нумалаш тўнгалеш. 1970 ийыште тиде озанлыкым "Моркинский" совхозыш кусарат. Тыште Александр Петрович адакат ветеринарный фельдшерлан, ферме вуйлатышылан тыршен. Тудын сай пашажлан "Знак почета" орденом кучыктеныт. Москва олесе ВДНХ-ш намиен коштыктеныт.

Пенсийыш лекмешкыже, 10 ий утла пашазе комитетын вуйлатышыжлан шоген.

Сарыште кредалше йолташыже-влак денат кылже пенгыде лийын. Александр Петрович 1981 ий октябрь тылзын Сенгымашын 40-ше идалыкшылан Ленинградыш миен коштын. Сар корным пырля эртыше йолташ-влак шарнымашан фотом войзеныт. 15 январьыште кажне ийын шочмо кечыжлан саламлымашан открыткым колтеденит.

Фронтвик Яйцов Александр Петровичым (снимкыште) шочмо элым осал тушман деч лўддымын аралымыжлан да ўмыржō мучко суапле пашам ыштымыжлан калык нигунам ок мондо.

Алевтина ОГУРЦОВА,
Семисола книгагудо вуйлатыше